

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA

Broj: 02-02-7-1268/15
Sarajevo, 11. 2. 2016. godine

Z A P I S N I K

**5. sjednice DOME naroda Parlamenta Federacije Bosne i Hercegovine,
održane 19. novembra 2015. i 11. februara 2016. godine**

Sjednica je počela u 16:05.

Sjednicom je predsjedavala Lidija Bradara, predsjedavajuća Doma naroda Parlamenta Federacije BiH.

Na početku sjednice predsjedavajuća je pozdravila delegate, potpredsjednika Federacije Bosne i Hercegovine, Milana Dunovića, te predstavnike ministarstava.

Na osnovu evidencije Stručne službe, predsjedavajuća je konstatovala da sjednici prisustvuje 43 delegata, što čini većinu, te Dom naroda može raditi i punovažno odlučivati.

Prije prelaska na rad, predsjedavajuća je predložila da Dom naroda usvoji zapisnike 3. redovne i 6. vanredne sjednice, te ih je stavila na glasanje.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 42 glasa za, uz dva glasa protiv i uz jedan uzdržani glas, usvojio Zapisnik 3. sjednice Doma naroda Parlamenta Federacije Bosne i Hercegovine sa primjedbom Emira Frašte. U delegatskom pitanju koje je postavio na 3. sjednici Doma naroda umjesto riječi „Republika Srbija“ treba da stoji riječ „Sandžak“.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 41 glasom za, uz jedan glas protiv i uz dva uzdržana glasa, usvojio Zapisnik 6. vanredne sjednice Doma naroda Parlamenta Federacije Bosne i Hercegovine.

Predsjedavajuća Doma naroda, na osnovu člana 104. Poslovnika o radu Doma naroda Parlamenta Federacije Bosne i Hercegovine, pozvala je delegate da, ukoliko žele, postavljaju delegatska pitanja i pokrenu inicijative.

Delegatska pitanja i inicijative

Drago Puzigaća uputio je pitanje Federalnom ministarstvu raseljenih osoba i izbjeglica. Pitao je da li će u nacrtu, odnosno prijedlogu budžeta Federacije Bosne i Hercegovine za 2016. godinu biti predviđena finansijska sredstva za sanaciju, adaptaciju i izgradnju stambenih objekata, odnosno porušenih stambenih jedinica, za opštine Drvar, Glamoč i Bosansko Grahovo.

Željko Mirković pokrenuo je inicijativu i postavio pitanje.

Pokrenuo je inicijativu za donošenje zakona o turističkim zajednicama i promicanju turizma u Federaciji Bosne i Hercegovine.

Pitanje je uputio Ministarstvu za ljudska prava i izbjeglice Bosne i Hercegovine, Federalnom ministarstvu prostornog uređenja, Komisiji za očuvanje nacionalnih spomenika, Zavodu za zaštitu spomenika u sklopu Federalnog ministarstva kulture i sporta, Vladi Unsko-Sanskog kantona i Kantonalnom zavodu za zaštitu kulturnog, historijskog i prirodnog naslijeđa Unsko-Sanskog kantona, a tiče se pitanja nadležnosti Kulturni pejzaž Spomen park žrtava fašističkog terora Garavica opština Bihać, koji je Odlukom Komisije za očuvanje nacionalnih spomenika proglašen nacionalnim spomenikom Bosne i Hercegovine septembra 2011. godine. Pitao je i ko je odgovoran za održavanje i zaštitu od nemara, daljeg propadanja i devastacije spomenika i ko je dužan, u skladu sa Uredbom o uvjetima i načinu prezentacije nacionalnih spomenika, da obezbijedi i postavi interpretaciju infrastrukture s ciljem integriranja nacionalnog spomenika u privredni i društveni razvoj Bosne i Hercegovine, posebno u obrazovne programe, promociju kulturnog, socijalnog i istorijskog identiteta, te za upoznavanje šire javnosti s vrijednostima i značajem ove historijske i antifašističke baštine. Pozvao je nadležna državna tijela da svim zakonskim sredstvima i konkretnim djelima rade na očuvanju i unaprijeđivanju antifašističke baštine.

Aner Žuljević uputio je inicijativu koja se odnosi na stavljanje van snage svih akata Vlade Federacije i Federalnih institucija kojima se reguliše preseljenje Ureda predsjednika Federacije u objekat Vila Braun.

Mirvet Beganović postavio je dva delegatska pitanja i pokrenuo inicijativu. Inicijativu je uputio Vladi Federacije Bosne, a odnosi na to da Vlada u što kraćem roku pripremi i dostavi u parlamentarnu proceduru Prijedlog Zakona o izmjenama i dopunama Zakona o izvršnom postupku Federacije Bosne i Hercegovine.

Prvo pitanje postavio je Federalnom pravobranilaštvu. Pitao je da li je Vlada Federacije obavezna da u prometima nekretninama i imovinom u društvenom, odnosno državnom vlasništvu Federacije, pribavi mišljenje Federalnog pravobranilaštva o istom, te da li nadležna ministarstva i privredna društva u vlasništvu Federacije traže i pribavljaju navedena mišljenja, po kom članu, kakva je odgovornost onih koji postupaju mimo zakona, koji je pravni put da se ugovori koji nemaju navedeno mišljenje

stave van snage i da se pokrene odgovornost onih koji nisu postupili u skladu sa zakonom.

Drugo pitanje postavio je Vladi Federacije i Federalnom ministarstvu poljoprivrede, vodoprivrede i šumarstva, a ono glasi: Na osnovu kojih kriterija i modela je izvršeno imenovanje direktora Agrokomerca iz Velike Kladuše, da li su kandidati ponudili program rada i viziju budućnosti Agrokomerca, da li Vlada i nadležno ministarstvo imaju stvarnu namjeru konsolidacije ovog preduzeća ili će nastaviti proces uništavanja, pljačke i bogaćenja određenih firmi van Unsko-sanskog kantona koje samo uđu u Agrokomerc i umjesto da one duguju Agrokomercu, Agrokomerc njima duguje ogromna finansijska sredstva, zatim, šta Vlada planira poduzeti za neriješena pitanja prava radnika oko neisplaćenih plata, sudskih presuda, uplata za PIO i zdravstveno osiguranje, penzionisanje, otpremnine i ostalo?

Segmedina Bajramović-Srna uputila je inicijativu Vladi Federacije Bosne i Hercegovine za izmjenu Uredbe o korisnicima i raspodijeli prihoda naknade za priređivanje igara na sreću, i to u smislu da se iznos sredstava planiranih za Federalno ministarstvo rada i socijalne politike umanjuje sa 55% na 45%, a da se ta umanjena razlika od 10% rasporedi u okviru Federalnog ministarstva zdravstva za liječenje u inostranstvu po osnovu člana 7. stava 1. Zakona o igrama na sreću.

Vesna Saradžić postavila je pitanje i pokrenula inicijativu. Pitanje je - Hoće li se, i kada, na dnevnom redu Doma naroda naći Prostorni plan Federacije Bosne i Hercegovine koji je usvojen na Predstavničkom domu? Inicijativu je uputila Federalnom ministarstvu kulture i sporta da u što skorijem roku u parlamentarnu proceduru uputi nacrt zakona o bibliotečkoj djelatnosti u Federaciji Bosne i Hercegovine.

Slobodan Tomić uputio je dva delegatska pitanja Ministarstvu prometa i komunikacija Bosne i Hercegovine. Prvo pitanje glasi: Zašto postoje periodični i tehnički pregledi vozila u Bosni i Hercegovini, ako to niko u Evropi nema? Drugo pitanje glasi: Zašto teretna vozila u Bosni i Hercegovini pored zimske opreme, guma, lanaca, lopate, moraju imati i vreću sa pijeskom?

Rasim Kantarević postavio je dva delegatska pitanja. Prvo pitanje postavio je Upravi za geodetske i imovinsko-pravne poslove Federacije Bosne i Hercegovine. Pitanje glasi: Da li je trenutno na snazi Uredba ili neki podzakonski akt kojim je zabranjen upis posjeda u opštini Velika Kladuša, a vezano za mjesne zajednice Bosanska Bojna i Glinica? Drugo pitanje upućeno je Vladi Federacije Bosne i Hercegovine, a glasi: Kada će Vlada Federacije Bosne i Hercegovine ponuditi izmjenu i dopunu odredbi Zakona o pravima branitelja i njihovih porodica i na taj način implementirati presude Ustavnog suda Federacije Bosne i Hercegovine, a koje se odnose na ostvarivanje prava ranjenih, poginulih, nestalih pripadnika Narodne odbrane autonomne pokrajine Zapadna Bosna i članova njihovih porodica?

Zdravko Bešlić postavio je dva pitanja.

Prvo pitanje postavio je Federalnom zavodu za statistiku, a ono glasi: Šta je sa objavom popisa stanovništva i kada će taj popis ugledati svjetlo dana?

Drugo pitanje uputio je federalnoj ministrici finansija - pitanje glasi: Koje će podatke primjeniti prilikom izrade naputaka o udjelima kantona, općina i uprave za ceste, da li će koristiti procjenu Federalnog zavoda za statistiku ili preliminarne rezultate?

Mladen Lonić postavio je dva pitanja. Prvo pitanje uputio je Policijskoj upravi Bosanska Krupa Unsko-sanskog kantona. Koliko je puta narušen javni red i mir u podgrmečkim selima u opštini Bosanska Krupa, tj. mjesnim zajednicama Radići, Vranjska Soja i Jesenica? Drugo pitanje uputio je rukovodstvu Predstavničkog doma Parlamenta Federacije i rukovodstvu Doma naroda Parlamenta Federacije, a ono glasi: Koliko ima uposlenih u Parlamentu Federacije, tj. u Predstavničkom domu i Domu naroda iz reda srpskog naroda?

Damir Jukić uputio je inicijativu prema Javnom preduzeću ceste Federacije Bosne i Hercegovine kojom traži da se izgradi pješački most, pasarela, na magistralnom putu M17 u opštini Žepče, kao i da se preispita funkcionalnost kompletne petlje na kojoj su izgrađeni pješački otoci.

Goran Akšamija postavio je pitanje Vladi Federacije Bosne i Hercegovine, odnosno, Federalnom ministarstvu zdravstva. Pitanje glasi: Zbog čega još uvijek nisu donešene nove liste lijekova, i to: lista lijekova obaveznog zdravstvenog osiguranja Federacije Bosne i Hercegovine, kao i lista lijekova o bolničkoj zdravstvenoj zaštiti Federacije Bosne i Hercegovine?

Nakon delegatskih pitanja i inicijativa, Dom naroda utvrdio je dnevni red. Predsjedavajuća je obavijestila delegate da je Vlada Federacije dostavila Prijedlog zakona o izmjenama i dopunama Zakona o električnoj energiji u Federaciji Bosne i Hercegovine i Prijedlog zakona o izmjenama i dopunama Zakona o pripadnosti javnih prihoda u Federaciji Bosne i Hercegovine, s prijedlogom da se razmatraju po hitnom postupku. Pozvala je delegate da se izjasne o prijedlogu postupka navedenih zakona.

Na osnovu rezultata glasanja, predsjedavajuća Doma naroda konstatovala je da je Dom naroda Parlamenta Federacije Bosne i Hercegovine:

- Sa 30 glasova za, uz devet glasova protiv i uz tri uzdržana glasa, prihvatio da se Prijedlog zakona o izmjenama i dopunama Zakona o električnoj energiji u Federaciji Bosne i Hercegovine razmatra po hitnom postupku;
- Sa 37 glasova za, uz pet glasova protiv i uz dva uzdržana glasa, prihvatio da se Prijedlog Zakona o izmjenama i dopunama Zakona o pripadnosti javnih prihoda razmatra po hitnom postupku.

Zatim, predsjedavajuća je stavila na glasanje i, na osnovu rezultata glasanja, konstatovala da je Dom naroda Parlamenta Federacije Bosne i

Hercegovine, sa 41 glasom za, jednim glasom protiv i dva uzdržana glasa, usvojio sljedeći

DNEVNI RED

1. Prijedlog zakona o izmjenama i dopunama Zakona o električnoj energiji u Federaciji Bosne i Hercegovine - hitni postupak,
2. Prijedlog zakona o izmjenama i dopunama Zakona o pripadnosti javnih prihoda u Federaciji Bosne i Hercegovine - hitni postupak,
3. Prijedlog zakona o izmjenama i dopunama Zakona o parničnom postupku,
4. Nacrt zakona o razvojnom planiranju i upravljanju razvojem u Federaciji Bosne i Hercegovine,
5. Nacrt zakona o izmjenama i dopunama Zakona o osnovama socijalne zaštite, zaštite civilnih žrtava rata i zaštite porodice sa djecom,
6. Nacrt zakona o hraniteljstvu u Federaciji Bosne i Hercegovine,
7. Obračun sredstava u zdravstvu u Federaciji Bosne i Hercegovine za 2013. godinu sa Odlukom o prihvatanju Obračuna sredstava u zdravstvu u Federaciji Bosne i Hercegovine za 2013. godinu,
8. Obračun sredstava u zdravstvu u Federaciji Bosne i Hercegovine za 2014. godinu sa Odlukom o prihvatanju Obračuna sredstava u zdravstvu u Federaciji Bosne i Hercegovine za 2014. godinu,
9. Rebalans Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2014. godinu (konsolidovani),

Rebalans finansijskog plana federalnog fonda solidarnosti za 2014. godinu (Aneks I),

Rebalans Finansijskog plana Stručne Službe Zavoda zdravstvenog osiguranja i reosiguranja Federacije Bosne i Hercegovine za 2014. godinu (Aneks II),

Odluka o prihvatanju Rebalansa Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2014. godinu (konsolidovani),

Odluka o prihvatanju Rebalansa finansijskog plana Federalnog fonda solidarnosti za 2014. godinu (Aneks I),

Odluka o prihvatanju Rebalansa Finansijskog plana Stručne Službe Zavoda zdravstvenog osiguranja i reosiguranja Federacije Bosne i Hercegovine za 2014. godinu (Aneks II),

10. Izvještaj o izvršenju Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2014. godinu (konsolidovani),

Izvještaj o izvršenju finansijskog plana Federalnog fonda solidarnosti za 2014. godinu (Aneks I),

Izvještaj o izvršenju Finansijskog plana Stručne Službe Zavoda zdravstvenog osiguranja i reosiguranja Federacije Bosne i Hercegovine za 2014. godinu (Aneks II),

Odluka o prihvatanju Izvještaja o izvršenju Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2014. godinu (konsolidovani),

Odluka o prihvatanju Izvještaja o izvršenju finansijskog plana Federalnog fonda solidarnosti za 2014. godinu (Aneks I),

Odluka o prihvatanju Izvještaja o izvršenju Finansijskog plana Stručne Službe Zavoda zdravstvenog osiguranja i reosiguranja Federacije Bosne i Hercegovine za 2014. godinu (Aneks II).

1. Prijedlog zakona o izmjenama i dopunama Zakona o električnoj energiji u Federaciji Bosne i Hercegovine - hitni postupak

Prijedlog zakona utvrdila je Vlada Federacije.

Predstavnički dom Parlamenta Federacije obavijestio je Dom naroda Parlamenta Federacije da je na sjednici održanoj 17. novembra 2015. godine, usvojio Prijedlog zakona o izmjenama i dopunama Zakona o električnoj energiji u Federaciji Bosne i Hercegovine u tekstu kako ga je predložila Vlada Federacije.

Prijedlog zakona razmatrala su nadležna radna tijela i dostavila svoje izvještaje.

Delegati Doma naroda smatrali su da nema potrebe da predstavnik Vlade Federacije obrazloži Prijedlog zakona.

U raspravi je učestvovala Draženka Subašić.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 31 glasom za, uz dva uzdržana glasa i 12 glasova protiv, usvojio Prijedlog zakona o izmjenama i dopunama Zakona o električnoj energiji u Federaciji Bosne i Hercegovine.

2. Prijedlog zakona o izmjenama i dopunama Zakona o pripadnosti javnih prihoda u Federaciji Bosne i Hercegovine - hitni postupak

Prijedlog zakona utvrdila je Vlada Federacije.

Predstavnički dom Parlamenta Federacije obavijestio je Dom naroda Parlamenta Federacije da je na sjednici održanoj 17. novembra 2015. godine, usvojio Prijedlog zakona o izmjenama i dopunama Zakona o pripadnosti javnih prihoda u Federaciji Bosne i Hercegovine u tekstu kako ga je predložila Vlada Federacije.

Prijedlog zakona razmatrala su nadležna radna tijela i dostavila svoje izvještaje.

Delegati Doma naroda smatrali su da nema potrebe da predstavnik Vlade Federacije obrazloži Prijedlog zakona.

U raspravi su učestvovali: Mirvet Beganović, Osman Ćatić, Tomislav Martinović, Emir Frašto, Muhamed Kozadra, Lidija Bradara i Damir Jukić.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 35 glasova za, uz dva uzdržana i tri glasa protiv, usvojio Prijedlog zakona o izmjenama i dopunama Zakona o pripadnosti javnih prihoda u Federaciji Bosne i Hercegovine.

Nakon glasanja o Zakonu o pripadnosti javnih prihoda u Federaciji BiH, na prijedlog klubova delegata bošnjačkog i srpskog naroda, Dom naroda je sa 41 glasom za, uz jedan uzdržan glas, usvojio sljedeći

ZAKLJUČAK

Zadužuje se Vlada Federacije Bosne i Hercegovine da u roku od 90 dana u parlamentarnu proceduru dostavi novi nacrt zakona o pripadnosti javnih prihoda u Federaciji Bosne i Hercegovine.

3. Prijedlog zakona o izmjenama i dopunama Zakona o parničnom postupku

Prijedlog zakona utvrdila je Vlada Federacije.

Predstavnički dom Parlamenta Federacije obavijestio je Dom naroda Parlamenta Federacije da je na 3. sjednici održanoj 27. oktobra 2015. godine, usvojio Prijedlog zakona o izmjenama i dopunama Zakona o parničnom postupku u tekstu kako ga je predložila Vlada Federacije.

Prijedlog zakona razmatrala su nadležna radna tijela i dostavila svoje izvještaje.

Delegati Doma naroda smatrali su da nema potrebe da predstavnik Vlade Federacije obrazloži Prijedlog zakona.

U raspravi niko nije učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, jednoglasno, sa 35 glasova za, usvojio Prijedlog zakona o izmjenama i dopunama Zakona o parničnom postupku.

4. Nacrt zakona o razvojnom planiranju i upravljanju razvojem u Federaciji Bosne i Hercegovine

Nacrt zakona utvrdila je Vlada.

Predstavnički dom Parlamenta Federacije obavijestio je Dom naroda Parlamenta Federacije da je na 3. sjednici održanoj 27. oktobra 2015. godine, razmatrao Nacrt zakona o razvojnom planiranju i upravljanju razvojem u Federaciji Bosne i Hercegovine i Zaključkom ga prihvatio.

Nacrt zakona razmatrala su nadležna radna tijela i dostavila svoje izvještaje.

Delegati Doma naroda smatrali su da nema potrebe da predstavnik Vlade Federacije obrazloži Nacrt zakona.

U raspravi niko nije učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 37 glasova za, usvojio sljedeći

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt zakona o razvojnom planiranju i upravljanju razvojem u Federaciji Bosne i Hercegovine i smatra da može poslužiti kao osnov za izradu prijedloga zakona.
2. Zadužuje se Vlada Federacije Bosne i Hercegovine da organizuje i provede javnu raspravu u trajanju od 90 dana.
3. Zadužuje se Vlada Federacije Bosne i Hercegovine da prilikom izrade prijedloga zakona ima u vidu primjedbe, prijedloge i sugestije iznesene na sjednici Doma naroda, i one iznesene u javnoj raspravi.

Sjednica je prekinuta u 17 sati i 16 minuta.

Nastavak Sjednice, 11. februar 2016. godine

Sjednica je počela u 11:40 sati.

Sjednicom je predsjedavala Lidija Bradara, predsjedavajuća Doma naroda Parlamenta Federacije BiH.

Na početku sjednice predsjedavajuća je pozdravila prisutne delegate, predstavnike medija, predsjednika Federacije, Marinka Čvaru, potpredsjednika Federacije, Milana Dunovića, predsjednika, potpredsjednicu i potpredsjednika Vlade, goste iz međunarodne zajednice i ministre.

Izostanak sa sjednice opravdao je Mustafa Kurtović.

Na osnovu evidencije Stručne službe, predsjedavajuća je konstatovala da sjednici prisustvuje 41 delegat, što čini većinu, te Dom naroda može raditi i punovažno odlučivati.

Predsjedavajuća je podsjetila delegate o preostalim tačkama dnevnog reda i prešla na rad.

5. Nacrt zakona o izmjenama i dopunama Zakona o osnovama socijalne zaštite, zaštite civilnih žrtava rata i zaštite porodice sa djecom

Nacrt zakona utvrdila je Vlada Federacije.

Predstavnički dom Parlamenta Federacije na 4. sjednici 17. novembra 2015. godine, razmatrao je Nacrt zakona o izmjenama i dopunama Zakona o osnovama socijalne zaštite, zaštite civilnih žrtava rata i zaštite porodice sa djecom i Zaključkom ga prihvatio.

Nacrt zakona obrazložio je Vesko Drljača, federalni ministar rada i socijalne politike.

Nacrt zakona razmatrala su nadležna radna tijela i dostavila svoje izvještaje.

U raspravi su učestvovali Segmedina Srna Bajramović i Željko Mirković.

Nakon rasprave, Domu naroda Parlamenta Federacije Bosne i Hercegovine obratila se predsjednica Udruženja „Žena - žrtva rata“, Bakira Hasečić.

Na osnovu rezultata glasanja predsjedavajuća je konstatovala da je Dom naroda Parlamenta Federacije Bosne i Hercegovine, sa 35 glasova za, uz devet glasova protiv i dva uzdržana glasa, usvojio sljedeći

ZAKLJUČAK

1. Dom naroda prihvata Nacrt zakona o izmjenama i dopunama Zakona o osnovama socijalne zaštite, zaštite civilnih žrtava rata i zaštite porodice sa djecom i smatra da može poslužiti kao osnov za izradu Prijedloga zakona.
2. Zadužuje se Vlada Federacije Bosne i Hercegovine da organizuje i provede javnu raspravu u trajanju od 30 dana.
3. Zadužuje se Vlada Federacije Bosne i Hercegovine da, prilikom izrade Prijedloga zakona, ima u vidu sugestije, primjedbe i prijedloge iznesene na sjednici Doma naroda kao i one iznesene u javnoj raspravi.

6. Nacrt zakona o hraniteljstvu u Federaciji Bosne i Hercegovine

Nacrt zakona utvrdila je Vlada Federacije.

Predstavnički dom Parlamenta Federacije na 4. sjednici 17. novembra 2015. godine, razmatrao je Nacrt zakona o hraniteljstvu u Federaciji Bosne i Hercegovine, Zaključkom ga prihvatio i stavio na javnu raspravu.

Nacrt zakona razmatrala su nadležna radna tijela.

Predstavnik Vlade obrazložio je Nacrt zakona.

U raspravi su učestvovali Segmedina Srna Bajramović, Admir Hadžipašić, Željko Mirković i Vesna Saradžić.

Na osnovu rezultata glasanja predsjedavajuća je konstatovala da je Dom naroda Parlamenta Federacije Bosne i Hercegovine, jednoglasno, sa 43 glasa za, usvojio sljedeći

ZAKLJUČAK

1. Dom naroda prihvaća Nacrt zakona o hraniteljstvu u Federaciji Bosne i Hercegovine i smatra da može poslužiti kao osnov za izradu Prijedloga zakona.
2. Zadužuje se Vlada Federacije Bosne i Hercegovine da organizuje i provede javnu raspravu u trajanju od 60 dana, te da Nacrt ovog zakona uputi kantonalnim skupštinama radi davanja mišljenja u skladu sa procedurom propisanom u Ustavu Federacije iz zajedničkih nadležnosti federalne vlasti i kantona
3. Zadužuje se Vlada Federacije Bosne i Hercegovine da, prilikom izrade Prijedloga zakona, ima u vidu sugestije, primjedbe i prijedloge iznesene na sjednici Doma naroda kao i one iznesene u javnoj raspravi.

7. Obračun sredstava u zdravstvu u Federaciji Bosne i Hercegovine za 2013. godinu sa Odlukom o prihvatanju Obračuna sredstava u zdravstvu u Federaciji Bosne i Hercegovine za 2013. godinu

Vlada Federacije dostavila je Parlamentu Federacije Obračun sredstava u zdravstvu u Federaciji Bosne i Hercegovine za 2013. godinu sa Odlukom o prihvatanju Obračuna sredstava u zdravstvu u Federaciji Bosne i Hercegovine za 2013. godinu radi razmatranja i usvajanja.

Obračun sredstava u zdravstvu u Federaciji Bosne i Hercegovine za 2013. godinu razmatrala su nadležna radna tijela i dostavila svoje izvještaje.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 38 glasova za, jednim uzdržanim i jednim glasom protiv, usvojio Obračun sredstava u zdravstvu Federacije Bosne i Hercegovine za 2013. godinu.

8. Obračun sredstava u zdravstvu u Federaciji Bosne i Hercegovine za 2014. godinu sa Odlukom o prihvatanju Obračuna sredstava u zdravstvu u Federaciji Bosne i Hercegovine za 2014. godinu

Vlada Federacije dostavila je Parlamentu Federacije Obračun sredstava u zdravstvu u Federaciji Bosne i Hercegovine za 2014. godinu sa Odlukom o prihvatanju Obračuna sredstava u zdravstvu u Federaciji Bosne i Hercegovine za 2014. godinu.

Obračun sredstava u zdravstvu u Federaciji Bosne i Hercegovine za 2014. godinu razmatrala su nadležna radna tijela i dostavila svoje izvještaje.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 37 glasova za, i jednim glasom protiv, usvojio Obračun sredstava u zdravstvu Federacije Bosne i Hercegovine za 2014 godinu, sa Odlukom o prihvatanju Obračuna sredstava u zdravstvu u Federaciji Bosne i Hercegovine za 2014. godinu.

- 9. Rebalans Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2014. godinu (konsolidovani),**
- **Rebalans finansijskog plana federalnog fonda solidarnosti za 2014. godinu (Aneks I),**
 - **Rebalans Finansijskog plana Stručne Službe Zavoda zdravstvenog osiguranja i reosiguranja Federacije Bosne i Hercegovine za 2014. godinu (Aneks II),**
 - **Odluka o prihvatanju Rebalansa Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2014. godinu (konsolidovani),**
 - **Odluka o prihvatanju Rebalansa finansijskog plana Federalnog fonda solidarnosti za 2014. godinu (Aneks I),**
 - **Odluka o prihvatanju Rebalansa Finansijskog plana Stručne Službe Zavoda zdravstvenog osiguranja i reosiguranja Federacije Bosne i Hercegovine za 2014. godinu (Aneks II)**

Vlada Federacije donijela je Odluku o prihvatanju ovih rebalansa i dostavila ih Parlamentu Federacije radi razmatranja i davanja saglasnosti.

Rebalanse su razmatrala nadležna radna tijela.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 32 glasa za, uz tri uzdržana i dva protiv, donio Odluku o davanju saglasnosti na Rebalans Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2014. godinu (konsolidovani).

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 33 glasa za, uz tri glasa protiv, donio Odluku o davanju saglasnosti na Rebalans Finansijskog plana Federalnog fonda solidarnosti za 2014. godinu (Aneks I).

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 36 glasova za, jednim uzdržanim i jednim protiv, donio Odluku o davanju saglasnosti na Rebalans Finansijskog plana Stručne službe Zavoda zdravstvenog osiguranja i reosiguranja Federacije Bosne i Hercegovine (Aneks II).

10. Izvještaj o izvršenju Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2014. godinu (konsolidovani),

- **Izvještaj o izvršenju finansijskog plana Federalnog fonda solidarnosti za 2014. godinu (Aneks I),**
- **Izvještaj o izvršenju Finansijskog plana Stručne Službe Zavoda zdravstvenog osiguranja i reosiguranja Federacije Bosne i Hercegovine za 2014. godinu (Aneks II),**
- **Odluka o prihvatanju Izvještaja o izvršenju Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2014. godinu (konsolidovani),**
- **Odluka o prihvatanju Izvještaja o izvršenju finansijskog plana Federalnog fonda solidarnosti za 2014. godinu (Aneks I),**
- **Odluka o prihvatanju Izvještaja o izvršenju Finansijskog plana Stručne Službe Zavoda zdravstvenog osiguranja i reosiguranja Federacije Bosne i Hercegovine za 2014. godinu (Aneks II)**

Vlada Federacije Bosne i Hercegovine razmotrila je izvještaje i donijela Odluku o njihovom prihvatanju, te ih dostavila Parlamentu Federacije radi razmatranja i usvajanja.

Izvještaje o izvršavanju finansijskih planova razmatrala su nadležna radna tijela i dostavila svoje izvještaje.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 35 glasova za, uz dva uzdržana i jednim protiv, usvojio Izvještaj o izvršenju Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2014. godinu (konsolidovani).

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 34 glasa za, uz dva uzdržana i jednim protiv, usvojio Izvještaj o izvršenju finansijskog plana Federalnog fonda solidarnosti za 2014. godinu (Aneks I).

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 34 glasa za, uz tri uzdržana i dva protiv, usvojio Izvještaj o izvršenju Finansijskog plana Stručne Službe Zavoda zdravstvenog osiguranja i reosiguranja Federacije Bosne i Hercegovine za 2014. godinu (Aneks II).

Sjednica je završena u 12:40 sati.

Transkript sjednice čini sastavni dio Zapisnika.

SEKRETAR

Izmir Hadžić

PREDSJEDAJUĆA

Lidija Bradara